



REGIONE AUTONOMA DELLA SARDEGNA

DELIBERATZIONE N. 12/21 DE SU 26.2.2008

Ogetu: **Modifica de sa decurrèntzia de sos tèrmines pro su versamentu de sas providèntzias in favore de sas pessones cun neoplasias malignas.**

S'Assessora de s'Igiene e Sanidade e de s'Assistèntzia Sotziale relatat chi, cun sa deliberazione n. 54/64 de su 30.12.2004, "Atributzione a sas Comunas de sas resursas netzessàrias pro s'isbursamentu de sas providèntzias prevìdidas dae sa L.R. n. 27/1983 in favore de sos tzitadinos residentes in Sardigna malàidos de neoplasia maligna", s'est chertu dare atuatzione a s'art. 1, comma 1, litera f de sa L.R. 3 nadale 2004 n. 9, chi estendet sa cuntzessione de sas providèntzias de sas cales a sa L.R. 27/1983 a sos tzitadinos residentes in Sardigna malàidos de neoplasia maligna.

S'Assessora ammentat chi intro sas tipologias de providèntzias prevìdidas bi sunt cuddas chi pertocant a sos rimburzos de sos gastos pro su biàgiu e pro istare foras in sos casos in sos cales su tratamentu e sas curas siant fatos in Tzentros ospedalieros o Universitàrios chi sunt in comunas diferentes dae cussas de residèntzia. Sa deliberazione, in sa cale sunt indicadas sas modalidades de presentatzione de sa dimanda de cuntzessione, apostivigat chi sas providèntzias econòmicas recurrent dae sa prima die de su mese imbeniente a sa die de presentatzione de sa dimanda a sa Comuna de residèntzia. Custa decurrèntzia est istada individuada a manera parìvile cun su chi s'est prevìdidu pro s'isbursamentu de sas providèntzias in favore de sos invàlidos tziviles (DPR 698/1194, "Regulamentu subra sas normas pro torrare a ordinare sos protzedimenti in matèria de reconnoschimentu de sos dannos tziviles e subra sa cuntzessione de benefitzios econòmicos", art. 5, comma 1).

A custu reguardu semper e cando sa pràtica aplicativa de su provedimentu at bogadu a craru chi in unos cantos casos sa decurrèntzia apostivigada lìmitat, finas a manera manna, su benefitziu de sos reimbursos rechestos. A custu propòsitu sunt lòmpidos annotos chi pertocant tratamentos comente a sa radioterapia chi, pro more chi sos tziclos de cura adurant pagu, non podent èssere incluidos in sos tèrmines adotados pro su reconnoschimentu de las providèntzias.

Totu custu naradu comente premissa, s'Assessora proponet de modificare sa decurrèntzia de sos tèrmines de tempus pro s'atzessu a su rimburzu de sos gastos de biàgiu e pro istare foras de sos cales a sa Delib. G.R. 54/64 de su 30.12.2004. Gasi chi, moende dae sa die de aprovu de cesta deliberazione, cesta decurrèntzia no at a inghitzare prus dae sa prima die de su mese imbeniente a sa die de presentatzone de sa dimanda a sa comuna de residèntzia, ma dae sa prima die de tratamiento e cura e semper chi sa dimanda siat presentada a sa Comuna intro su de ses meses dae s'inghitzu de sa matessi.

Sa Giunta regional, pustis de àere intesu sa proposta de s'Assessora de s'Igiene e Sanidade e de s'Assistèntzia Sotziale, bidu su parre de legitimidade de su Diretore Generale de sa Diretzione de las Politicas Sotziales

DELÌBERAT

- de dispònnere chi sa decurrèntzia pro tènnere deretu a sos reimbursos de sos gastos de biàgiu e pro istare foras in sos casos in sos cales su tratamiento e las curas pro sos malàidos de neoplasia maligna siant fatos in Tzentros ospedalieros o Universitàrios postos in Comunas diferentes dae cussas de residèntzia de sos tzitadinos chi presentant dimanda, cumentzat dae sa prima die de inghitzu de su programma de tratamiento e cura.

Sa dimanda pro otènnere custas providèntzias depet èssere presentada a sa Comuna de residèntzia intro de ses meses dae s'inghitzu de su tratamiento e de las curas.

Su Direttore Generale f.f.

Fulvio Dettori

Su Presidente

Renato Soru